



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XLIII.

**urn:nbn:de:hbz:466:1-29452**

num de arbore, riuum de fonte, &c. Apostolus quod ait Galat 5. Sectæ regnum Dei non possidebunt. & August inquit: Hoc facit Spiritus sanctus in corpore mystico Ecclesiæ, quod Spiritus humanus in corpore: separato Spiritu à corpore humano, corpus mortuum & aridum est. Sic facit Spiritus sanctus in corpore mystico, & in solis illis efficax est per verbum suum, qui sunt vera membra, & non arida: multi enim eadem dicunt verba, qualia pij & Catholici solent administrantes Sacramenta: sed Spiritus sanctus ibi non est efficax: nam dæmones etiam dixerunt: Iesu Nazarene, scimus quia tu es filius Dei, Marc. 1. Lucæ quarto, & Petrus quoque inquit: Tu es Christus filius Dei viui, Matthæi 16. sed tamen dæmon inculpatur, & mandatur illi vt taceat, licet vera & bona verba dixerit, quia ipse non in Ecclesia, vbi Deo placet cultus, & Spiritus sanctus est efficax per verbum suum: ideoque omnes hæretici fugiendi sunt.

CREDO REMISSIONEM  
peccatorum.

## CAPVT XXXIIII.

## ARGVMENTA.

1. *Quomodo quis perueniat ad istum articulum, vt eum credat, nempe remitti nobis peccata.*
2. *Quæ sint sigilla, vt certus sim de remissione peccatorum.*
3. *Quod fides de remissione peccatorum tunc vera est, quando habet adiunctam pœnitentiam.*

Z

PRI.

**P**rimò, si quis vult peruenire ad fidem  
 istius articuli quòd credere possit remissionem peccatorum suorum, oportet primò omnium opera Christi considerare & ponderare, nempe quare natus, passus, resurrexit, cœlos ascendit, Spiritum sanctum misit, & statim scriptura occurrit prophetarum & Euangelium, quia propter peccata nostra mortuus est, & quòd resurrexit propter iustificationem nostram, Romanor. quarto: Non enim venit gratis Christus in mundum, Galat. secundo, aut talia passus est sine fructu: nec pater gratis dedit nobis filium talem sine nostro merito, Ioan. tertio: sed vt viveremus & saluaremur per ipsum. Totum ergo Christi officium fuit, labor, ærumna ac passio, vt nobis hic fructus, scilicet remissionis peccatorum, accresceret. Omnis igitur operum Christi fructus, est remissio peccatorum: propter hunc descendit de cœlis, & incarnatus est, vt nos reconciliaremur Deo, Roman. 5. Necessè est igitur antè omnia opera bona tua, Christum per fidem apprehendere, & credere quòd propter merita passionis Christi nobis donatur remissio peccatorum, vita & salus: Nam Christi passio causa est remissionis peccatorum, non tua conditio, licet penitentia & fides exigatur à te, & quidem necessè oportet adesse, non tamen sunt causa, fons & origo remissionis, sed misericordia Dei propter meritum Christi: huic Christo perhibent testimonium omnes prophetae, remissionem peccatorum accipere propter nomen eius, Actor. 10. Igitur si vis verè credere remissionem peccatorum, primùm, respice Christum, & illius opera pondera, quare facta sint: non tua opera vel dignitatem vel conditionem primò respicias, sed cognita Dei beneficentia, per Christum nobis oblata, dole de peccatis perpetratis, cessa peccare, humiliare coram Deo, vt tui misereatur propter

propter Christum filium suum, & tibi quoque suum distribuat beneficium. Quod si ad tua opera & conditionem respexeris, nunquam certus eris de remissione peccatorum, neque ex corde credere potes, quod omnia tua opera sunt imperfecta: at considerato Christo, verè apprehenditur & creditur remissio peccatorum: non igitur longa peregrinatio, aut alia id genus opera te certificent de remissione peccatorum, sed Christus, licet in alium finem hæc opera non sunt rejicienda.

Secundò, quoniam Deus non vult coli dubitante conscientia, ut certus esset homo de remissione peccatorum, nec dubitaret, apposuit Deus suę promissioni quod nostrum vult misereri, & remittere peccata propter fidem in Christum, Ioan. 3. duo sigilla: primum est scriptura sacra, cui est impossibile quod mentiantur, eò quod os Domini ita locutum est, qui est summa veritas, Ioan. 14. Esa. 53. Posuit super illum omnia peccata nostra, Ephes. 1. Per Christum habemus redemptionem per sanguinem ipsius remissionem peccatorum, iuxta diuitias gratiæ suæ Romanor. 5. Iustificati sanguine ipsius, & Actorum 13. Per hunc Christum annunciat vobis remissio peccatorum, & ab hominibus à quibus non potuistis per legem iustificari: per hunc omnis qui credit, iustificabitur: tota enim scriptura testis est, probans & testificans, quod certò per fidem in Christum acquirimus remissionem peccatorum: & ut ea certa sit, à nobis & nostra dignitate operum vel iustitia transfertur in Christum, ut certi simus quod propter illum Christum, qui est tota iustitia, remissionem consequamur, Roman. 4. Ideò ex fide, ut promissio sit firma. Qui ergo scripturę non credit, Deum mendacem facit: est igitur primū sigillum certitudinis de remissione peccatorum scriptura, ubique Christum testificans esse causam remissionis peccatorum credenti. Alte-

rum sigillum remissionis, baptismus est, in quo pactum tecum fecit Deus, ut quoties ab illo petieris misericordiam, quod tibi illam propter Christum vult exhiberi, non semel aut bis, sed septuagies septies, Mat. 28 & tu homo iterum pactus es cum Deo, quod velis esse subiectus illi, & renunciare diabolo, vivere & seruare illius præcepta, & non sathanæ: idè dicit Apostolus Rom. 6. Quotquot baptizati estis, Christum induistis: illi professionem fecistis, ecce alterum sigillum habes, scilicet baptismum, quod te certificat, quod Deus tibi velit esse misericors propter Christum. At inquis: Ego pactum meum nõ seruauit, ergo nec Deus suum pactum & promissum seruabit. Responderetur, Non est Deus sicut homo: scriptura testatur, quod verax est in æternum. Rom. 3. Ioan. 3. & quod impossibile est Deum posse mentiri, Hebræ. 6. Ideo Deus non mutatur, sed semper manet verax & sibi constat. Quare vsq; ad diem mortis tuæ stat pactum ex parte Dei, & si tu cecidisti, attamen, Deus & eius promissio atque baptismus adhuc stat: modo tu solùm redeas per pœnitentiam, reconciliare Deo, & confirmabitur pristinum & primum pactum baptismi: redi ad fœdus, ad pactum, & consequeris certò remissionem. Baptismus ergo signum est, quod certata sit remissio peccatorum.

3. Tertiò, hoc quoque cum magna diligentia notandum est quod Christus semper nescit pœnitentiam & remissionem, Luc. vltim. Marc. 1. vbi vult quod fides remissionis nulla est, vbi non quoq; est pœnitentia, cessatio à peccatis, & bonæ vitæ conuersatio. Non omnis qui dicit, Domine Domine, introibit in regnum cœlorum, Matt. 7. Quare carnales illi qui sine pœnitentia & cessatione à vitijs, iactant fidem remissionis peccatorum: illi errant, & non consequuntur eam: at etiam illi qui putant consequi remissionem propter suam dignitatem, merita & iustitiam, & non propter

propter Christum, errāt similiter: media ergo via tenenda est, quod fides quæ habet secum pœnitentiam, illa accipit remissionem peccatorum. Quæ remissio quia creditur & certa est propter Christum, ideo nemo debet deſperare in peccatis, sed credere remissionem peccatorum.

CREDO HUIUS CARNIS  
resurrectionem.

CAPVT XXXV.

ARGVMENTA.

1. Undè vera fides resurrectionis nostra acquiritur.
2. Quomodo fiet resurrectio mortuorum.
3. Quomodo corpora beatorum decorabuntur quatuor donis eterna gloria.

**F**ides resurrectionis non à ratione aut lumine naturę nostrę vel libris philosophorum & Poëtarū petenda & querenda est, sed à verbo & potentia Dei: verbū enim Dei vtrunq; prædicat. Primū, quod sit omnipotens Deus Ex. 15. Omnipotens, nomen eius. Luc. 1. Apud Deū non est impossibile vllum verbū. Si enim Deus sua omnipotentia potuit de nihilo creare omnia, & hominē formavit de limo terre, & inspiravit in illum vitam, Gene. 2. ergo eadem omnipotentia poterit & corpora ac cineres mortuorum restituere ad vitam & resuscitare: & deindè quod Deus hoc velit facere, nempe resuscitare nos & corpora nostra, vbiq; testatur scriptura, Ezech. 37. Ecce ego aperiam sepulchra vestra, & educam vos de sepulchris vestris, id est, euocabo: & Daniel. 12. Multi qui in pulueribus terrę quiescunt & dormiunt, ex-  
citantur.